

# JAVNI POZIV ZA DOSTAVLJANJE RADOVA “ČOVJEK U FOKUSU – PRIČE O VOLONTERIZMU” ZA IZBOR NAJBOLJIH PRIČA O VOLONTERIZMU U PERIODU 2018. – 2020. GODINE

Resursni centar za BiH civilno društvo u procesu EU integracija upućuje javni poziv "Čovjek u fokusu - priče o volonterizmu" za dostavljanje radova za izbor do sada neobjavljene tekstualne i video priče o volonterizmu u BiH u periodu od 2018. do 2020. godine.

Aktivni pojedinci su svakom društvu dragocjeni, kada se udruže, donose opšti napredak i korist širem krugu ljudi iz svog okruženja. Bili ste volonter u akciji koja je donijela određeno poboljšanje ili riješila konkretan problem u vašoj lokalnoj zajednici? Vješti ste sa riječima? Pretočite svoje iskustvo u priču, motivišite i druge da se pokrenu i donesu promjenu u svoju lokalnu zajednicu.

Budite inspiracija drugima, podijelite vašu priču i osvojite vrijedne nagrade.

U ovom ciklusu se nagrađuju **tri najbolje ispričane priče**, robnom nagradom u protuvrijednosti **400 eura** za svaku od priča ponaosob (ukupno 1200 eura). Nagrada može biti u vidu opreme koja će pomoći grupi ili pojedincu da u budućnosti još efikasnije radi na rješavanju problema u zajednici (računar, laptop, projektor, kamera, štampač, i sl.), a po izboru nagrađenog autora.

Priče će se u prvom krugu ocjenjivati od strane komisije koja će odabrati 10 do 15 najboljih priča koje će se kvalifikovati na **Facebook, Instagram i Twitter** glasanje u koje ulazi broj lajkova i podjela/retvitova objave sa stranice Euresurs i nosi 50% ukupne ocjene, dok u preostalih 50% ulazi ocjena stručne komisije.

Na Javni poziv se mogu prijaviti radovi koji nisu objavljeni na nekom od web (internet news) portala, printanom ili elektronskom mediju. Radovi se dostavljaju e-mailom na adresu **euresurs@gmail.com**, sa naznakom "Čovjek u fokusu - Priče o volonterizmu".

Uz dostavljen rad (**tekstualnu priču i video snimak**), prijava treba da sadrži podatke o autoru (ime i prezime, mjesto stanovanja i kontakt podaci), te **fotografije** koje su u vezi sa temom dostavljenog rada.

Video snimak je zamišljen kao video blog u trajanju do 90 sekundi i za njegovo kreiranje je dovoljan mobilni telefon. Video snimak može biti u formi izjave, snimka sa terena, događaja, izjave osobe kojoj se pružila pomoć...



Ovaj projekat finansira  
Evropska unija

Resursni centar za BiH civilno društvo u procesu EU integracija

[www.EUresurs.ba](http://www.EUresurs.ba)

CCI: Denis Telić, [denis@ccibh.org](mailto:denis@ccibh.org); GSM: +387.63.396.525

ACED: Duško Vučić, [d.vucic@aced.ba](mailto:d.vucic@aced.ba); GSM: +387.65.511.029

Pri izboru najboljih radova stručna komisija će se rukovoditi sljedećim kriterijima:

- Izbor teme i povezanost s načelima volonterizma;
- Način prezentovanja činjenica i podataka (jasnoća i kreacija kojom autor opisuje volonterske aktivnosti koje su provedene, te ostvarene rezultate akcije);
- Procjena pozitivnih efekata na što veći broj građana u BiH, u smislu da opisana volonterska akcija može poslužiti kao inspiracija drugim građanima kako bi i oni nešto slično pokušali u svojim zajednicama;
- Poštivanje opštih uslova poziva, pomenutih u nastavku - propisanog fonta, dužine teksta, perioda u kom je realizovana akcija, ne korištenje riječi koje upućuju na govor mržnje, idr.

Autori radova koji budu imali najvišu ocjenu kada se saberu bodovi dobijeni od stručnog žirija i glasanja na društvenim mrežama bit će direktno informisani putem e-maila.

Radovi trebaju biti dostavljeni na jednom od službenih jezika u BiH i ne smiju biti duži od 6.000 karakreta (sa razmacima), napisani fontom Times New Roman 11 (bez proreda). Volonterska akcija koja se opisuje mora biti realizovana u periodu tokom posljednje dvije godine (2018. do 2020. godine).

Radovi ne smiju reflektovati i upućivati na uvrede i govor mržnje, rasnu, polnu, vjersku i svaki drugi oblik diskriminacije. Stručna komisija zadržava pravo da diskvalifikuje takve radove bez objašnjenja.

Resursni centar za BiH civilno društvo u procesu EU integracija će poštovati prava autora, uz zadržavanje prava korištenja (publikovanja/emitovanja) dostavljenih radova. Pri svakoj distribuciji radova, Resursni centar će naglasiti ime autora.

**Javni poziv za dostavljanje radova je otvoren od 28.01.2021. do 28.02.2021. godine.**

**Očekujemo vaše priče!!!**

Sve dodatne informacije mogu se dobiti na e maili: [euressurs@gmail.com](mailto:euressurs@gmail.com) ili na broj telefona: 051 228 172. Želite li više saznati o drugim aktivnostima Resursnog centra za BiH civilno društvo u procesu EU integracija molimo Vas da posjetite [www.EUressurs.ba](http://www.EUressurs.ba)



Ovaj projekat finansira  
Evropska unija

Resursni centar za BiH civilno društvo u procesu EU integracija

[www.EUressurs.ba](http://www.EUressurs.ba)

CCI: Denis Telić, [denis@ccibh.org](mailto:denis@ccibh.org); GSM: +387.63.396.525  
ACED: Duško Vučić, [d.vucic@aced.ba](mailto:d.vucic@aced.ba); GSM: +387.65.511.029